

## Hemel op aarde

Ik bin niemand, niks is wat 't liekt  
hielemoal niemand als geej ni nar meej kiekt

dan bin ik iemand din ik ni wil zien  
niemand, hopeloos allien  
ik blief hoape, straks, ge wet mar nooit,  
brukt alles oape, liefste misschien oeit

hemel op aarde, dan ruuk ik wir de geur  
din ik bewaarde, foto in `n zachte kleur  
ik tel de dage, mien droeme elke nacht  
de hemel op aarde din boave os wacht

de oavend lieg oaver `t veld  
brengt de reagen ierder als vurspeld  
de volle wolke als `t koele lake velt

hemel op aarde, inens stopte de tied  
toen geej staarde toen woord ik ow kwiet  
als enne zomer vur de allerlatste kier  
de hemel op aarde en doarnoa nooit mier

hemel op aarde, toen rook ik wir de geur  
din ik bewaarde, foto in `n zachte kleur  
ik tel de dage, mien droeme elke nacht  
de hemel op aarde din boave os wacht

`t licht dat schient allien nog mar op ow  
ik zeuk nar ow oege en wer schow

`t onwear klopte op `t raam  
't weide verder, 't leet allien nog owwe naam  
heer op aarde toen de hemel kwaam

hemel op aarde, noam ow met zich mei  
hemel op aarde, als de wind oaver de wei  
toen weej heer zate als oeit in `t begin  
de hemel op aarde veel oaver os hin

hemel op aarde, toen rook ik wir de geur  
din ik bewaarde, foto in `n zachte kleur  
toen in de merge inens 'n ster verscheen,

hoeg an d'n hemel, en nooit mier verdween

[Tekst en muziek: Jack Poels]

[cd 'Hemel op aarde', RHAM 2013]